



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LWASEKHAYA (HL)

IPHEPHA LOKUQALA (P1)

NOVEMBA 2023

AMANQAKU: 70


IXESHA: liyure 2



Olu viwo lunamaphepha ali-12.

IMIYALELO NENGACISO

1. Eli phepha lemibuzo LINAMACANDELO AMATHATHU:



ICANDELO A:	Uvavanyo Lokuqonda	(30)
ICANDELO B:	Ushwankathelo	(10)
ICANDELO C:	Izakhi nemigaqo yokusetyenziswa kolwimi	(30)

2. Funda YONKE imiyalelo ngocoselelo.
3. Phendula YONKE imibuzo.
4. Qala ICANDELO NGALINYE kwiphepha ELITSHA.
5. Krwela umgca ekupheleni KWECANDELO NGALINYE.
6. Nombola iimpendulo ngokuchanekileyo ngokwendlela ekunonjolwe ngayo kwiphepha lemibuzo.
7. Shiya umgca emva kwempendulo NGANYE.
8. Qwalasela ngokukodwa upelo nolwakhiwo lwezivakalisi.
9. Iingcebiso malunga nolwabiwo lwexesha:
- | | |
|-------------|-------------------|
| ICANDELO A: | Imizuzu engama 50 |
| ICANDELO B: | Imizuzu engama 30 |
| ICANDELO C: | Imizuzu engama 40 |
10. Bhala ngokucocekileyo nangokucacileyo.



ICANDELO A: UVAVANYO LOKUQONDA

UMBUZO 1: UKUFUNDELA INTSINGISELO NOKUQONDA

Funda IZICATSHULWA A noB ezingezantsi uze uphendule imibuzo esekwe kuzo.

ISICATSHULWA A


ITHEMBA

- 1 Ubomi yimfazwe apho umntu aqubisana neenzima, iintlungu, iintshutshiso neengxaki. Ehleli nje umntu usedabini nenye kwezi zinto. Ithemba liba sisixhobo sokuvika nokuthunga amanxeba omphefumlo kanti nawomzimba. Isimanga sesokuba njengokuba wonke umntu emhlabeni ethembela ngethemba nje ukuze iqobeke imingeni, alinankcaza kuviwana ngayo, lingachazeki nalula. 5
- 2 Esikwaziyo kodwa ngethemba kukuba wonke umntu ehleli nje unalo ithemba nongenalo uyalifuna. Alinamida yabudala, politiki, nkolo, sini, butyebi nantlupheko. Kwinkcaza yalo kuhlohlwa okuninzi okuquka ukusebenza, ubume bengqondo, iimvakalelo zabantu, abakulindelayo kwiimeko abahlangana nazo eziluzizi, iinkolelo ababanazo ngeemeko abakuzo, kanti nabakuzuza ngokubanalo. 10
- 3 Utata uDesmond Tutu ulichaza athi, 'Ithemba kukubanako ukubona ulozilozi wokukhanya ngoku ukwisithokothoko sobumnyama.' Igama 'kukubanako' lityhila ukuba alisuki libekho, kufuneka ubenento oyenzayo ukuze libekho. Lisebenza ngokumsebezela umninilo ngaphakathi kuye lisithi, 'Uza kuwophula umqolo lo mnqantsa uqabele ngaphezulu.' Eliza ngolu hlobo ithemba liyaqinisekisa, liphulula namanxeba engqondo ngokumkhumbuza umninilo ngomzuzu ngamnye ukuba konke kuzotshintsha kubengcono. 15
- 4 Ewe, ikho nenkolelo yokuba ithemba lihlala lihleli kodwa wakukhumbula ukuba kukhe kuthiwe umntu akanathemba, uzibuza ukuba sukuba liyephi. Lilonke likho emntwini ithemba **kuphela** xa liphila lona ngokwalo ngaphakathi kuye. Liyafuna ukuvuselelwa kuba kusenokuthi kanti umnikazi uliyeke lafela kuye ngaphakathi. Lifuna umninilo alihlokoze ukuze livuke. 20
- 5 USnyder ongugqirha wezobume bengqondo ulichaza ithemba athi libubume bengqondo, ngumnqweno, kukuzimisela nokukholelwa ukuba ungaphumelela, udlule kwiimbandezelo zethutyana zasemhlabeni. Le nkcaza ithetha ukuba ithemba lenziwa ngezinto ezintathu; inkolelo, injongo yobomi kunye nendlela yokufikelela kuloo nto. Umntu onethemba sukuba enayo into azondelele ukuyifumana kungenjalo enendawo ethile azimisele ukufika kuyo. Onethemba ukholelwa ukuba uza kuphumelela. Uyayazi indlela aza kuyithatha ukuze afikelele kwayifunayo. Lona lisebenza ukumfaka endleleni. Omnye umntu angathi ithemba likunika imephu yendlela omawuyithathe. 25 30

- 6 Ukuthi ithemba lingumthantatho – iplanga elinqumlezileyo lokuweza umntu kwiingxaki zobomi njengebhulorho, kukulichaza ithemba ngokwendlela elisebenza ngayo. Sukuba umntu walo elibona limthantamisa ngokumkhuthaza, limnike amandla limnqwawade lide limbonise neyona ndlela. Nalapha kukho ela lizwi lisebezayo lithi, 'Khawulinge *maan* kwakhona, ungancami kuza kulunga.' Lithi lakutsho athi vumbululu umntu abuyele emandleni. 35
- 7 Omnye ulichaza ithemba ejonge indlela elisebenza ngayo. Kukho abathi liliyeza. Kule nkcaza liyinto enokunceda, enokusindisa kangangokuba kude kubhekiswe nakumntu onokunceda. Omnye usesibhedlele umntu wakhe uyagula. Umva esithi, 'Kowu sesihleli kweli themba lolu tyando luza kwenziwa ngale njikalanga, sibuye simbone eqhathula umntu wethu.' 40
- 8 Yendele nenkolelo yokuba impilo ende nolonwabo ziziqhamo zokubanethemba. Lumka, ukuba ukhe waxhentsisa imiqobo nemingeni yobomi engqondweni yakho, ithemba uligqiba, liphele nya! Kaloku ithemba linalaa nto ithi qhubeka ungene kanye kwitonela elimnyama, uye phambili ngoku ubonayo ukuba kungakho ubungozi, nemiqobo evale indlela. Umntu xa enethemba uyangena kwitonela ngoku ezibona ukuba akazazi ukuba uza kwenza njani, uza kwenza ntoni nini, engazi nokuba kuza kwenzeka njani ukuze aphumele ngaphaya. 45 50
- 9 Ithemba laziwa ngokuphilisa. Lisisixhobo sokumelana nobunzima basemhlabeni. Khumbula, alibulali, liyadanisa. Ngaphezulu alimlahli umninilo lilahlwa nguye. Akulilahla umntu uqobeka amandla, aphelelwe ngumdla wokwenza, angenwe yindyamarha okanye abenengevane. Uyangqina kumbongo ngosiba lwakhe okaMqhayi ukuba akukho kuphila xa ithemba lingekho kwaye ongenathemba uyawufisa nomphefumlo wakhe. Onethemba limnika amandla lithibaze uvakalelo losizi, ligxothe ukubanda ngaphakathi nokuncama kwembala. 55
- 10 Usekho umbuzo wokuba lingaba ithemba lintonye okanye lingummelwane nembono yentsingiselo yokuphila eyaqanjwa nguVictor Frankl ngexesha le*Holocaust*. Kulapho wayethi okhe wagula asele ezibulala okanye azinikezele abulawe. UVictor waziwa ngobuqhawe bokusinda kumngcipheko owawukwiikhempu zentshutshiso ze*Holocaust*. Mihla le wayesithi, 'Ukuba ndingagcinwa ndingafi kude kufike umzuzu olandelayo.' Ithemba awayenalokuba umzuzu olandelayo ungadala icebo lokumkhupha kula ntshutshiso. Xa ebalisa uthi yena wayehlala ezixelela ukuba akaguli, akananto ezicengela oku kokufumana umzuzu olandelayo. Wawufumana nangoku. Uphilisa imiphefumlo exhwalekileyo ngomzekelo wakhe nanamhlanje. 60 65

[Sicatshulwe kwi- [Hope From The Conversation.com](http://HopeFromTheConversation.com) saguqulelwa esiXhoseni, saze sahlelwa]

ISICATSHULWA B



[Ucatshulwe kwi-intanethi, www.wikipedia.com waze wahlelwa]

IMIBUZO: ISICATSHULWA A

Jonga kumhlathi-1

- 1.1 Xela zibeMBINI izinto aqubisana nazo umntu ebomini ngokomhlathi wokuqala. (2)
- 1.2 Nika amagama okanye amabinzana amabini aqulethe intsingiselo yokuba umntu uyalwa ebomini. (2)

Jonga kumhlathi-2

- 1.3 Caphula ibinzana elinika intsingiselo yokuba akukho mntu ungenalo ithemba. (1)
- 1.4 YINYANI/BUBUXOKI ukuba izityebi akukho mfuneko yokuba zibenethemba? Xhasa impendulo yakho ngokukulo mhlathi. (1)

Jonga kumhlathi-3

- 1.5 Chaza ithemba ngokukaDesmond Tutu. (2)
- 1.6 Ngqina ngokukwisicatshulwa ukuba ithemba alisuki libekho. (2)

Jonga kumhlathi-4

- 1.7 Lizisa intsingiselo ni ngokubakho kwethemba igama, 'kuphela' elibhalwe ngqindilili kulo mhlathi? (1)

Jonga kumhlathi-5

1.8 Gqibezela isivakalisi esingezantsi;

Inkcaza kaSnyder yethemba ilibona ...

- A lilitonela lokuphumela.
- B libubume bengqondo.
- C lingumthantatho wokuwela.
- D liliyeza lokuphilisa.

(1)

Jonga kumhlathi-6

1.9 Chaza umthantatho ngokwalo mhlathi.

(2)

1.10 Nika ingcamango ephambili yalo mhlathi.

(2)

Jonga kumhlathi-7

1.11 Kunika ngcingani ukuthi 'liliyeza' ithemba ngokwalo mhlathi?

(2)

Jonga kumhlathi-8

1.12 Caphula isilumkiso esifanele abantu abajijisana nemingeni kulo mhlathi.

(1)

Jonga kumhlathi-9

1.13 Chasa ngokufumana kulo mhlathi uluvo lokuba umntu angafa kukuba ingenzekanga into ebenethemba layo.

(2)

Jonga kumhlathi-10

1.14 Chaza ifuthe lokukhankanywa kwebalana likaVictor Frankl.

(1)

IMIBUZO ISICATSHULWA A no B

1.15 Khankanya zibeMBINI izinto anokuzoyika umntu ongenathemba xa efuna ukuwelela ngaphesheya ngokwalo mfanekiso.

(2)

1.16 Nika icebiso kumntu ofuna ukuwelela ngaphesheya ngokusebenzisa umhlathi wesi-6 kunye nomfanekiso okwisicatshulwa B.

(2)

1.17 Caphula kumhlathi we-8 okungqinelana nomfanekiso okwisicatshulwa B ukukhuthaza umntu onethemba ukuba angatyhafi.

(2)

1.18 Ucinga ukuba ezi zicatshulwa zibini zingabancedisa abantu abalahle ithemba ukuba balibuyisele? Xhasa impendulo yakho ngezi zicatshulwa.

(2)

AMANQAKU ECANDELO A: 30

ICANDELO B: USHWANKATHELO

UMBUZO 2: UKUSHWANKATHELA

ISICATSHULWA C sithetha **ngezithako ezithe dle kuWhatsApp kodwa zingaqondwa uncendo lwazo**. Shwankathela ngeenjongo zokuxhobisa abantu **ngezithako** ezingaqondwayo ezikuWhatsApp kodwa ziluncedo.

QAPHELA:

1. Bhala UMHLATHI ongenaziphene usebenzisa amazwi akho kangangoko unako.
2. Isishwankathelo sakho masiquke iingongoma EZISIXHENXE ungedluli kumagama angama-70.
3. AKULINDELEKANGA ukuba ubhale isihloko xa ushwankathela.
4. Bhala phantsi inani lamagama owasebenzisileyo wakugqiba.

ISICATSHULWA C

IZITHAKO EZIYIMFIHLELO YOBOMI KUWHATSAPP WAKHO

UWhatsApp utyebile ngezithako ezikuphilisa ubomi obumnandi nangona kungafani ncam ukusebenza kweefoni. Baninzi nabantu abangaluqondiyo uncendo lwezithako zikaWhatsApp.

UWhatsApp unezithako zokufomatha ezinokugqamisa umyalezo wakho ubukeke. Singabalula uphawu lokwenza umbhalo ubengqindilili (B), ukekele (I). Ungawuhombisa nangokufaka inkwenkwezi phambi komyalezo wakho uze uphinde uhombise ngenye ekugqibeleni.

Konengxaki yokungabinaxesha lokujonga imiyalezo ebalulekileyo kuWhatsApp, uphawu olusisithako sokufomatha uMark as Unread lusingabululo xa ukwazi ukulusebenzisa. Wakulufaka, lukukhumbuza ngokuyiveza ngokwahlukileyo kweminye loo miyalezo ingekafundwa sowuziphumlele ekhaya. Umyalezo ungawuphawula ngokucofa umzuzwana uze lwakuvela uphawu ulukhethe ukuze ufike uwufunde ngexesha lakho lekhefu.

Kukho laa ngxolo ikruqulayo yemiyalezo enqinokqiza oko xa ukwiqela likaWhatsApp. Isithako esiluphawu lokuthulisa ingxolo olubhalwe, *Mute notifications* lungayenza ingangxoli xa ingena imiyalezo. Kaloku, awunakuzikhupha kwiqela kuba uyalidinga kodwa kwingxolo ungazikhupha ngokulula. Ucofa uChat, ukhethe amaxesha emayithule ngawo ngophawu lokuphelisa ingxolo olukwalapho.

Kukho amaxesha ekufuneka uthumele iifayile ezinkulu ngoWhatsApp ungena-imeyile. Zisengaquka iifoto neevidiyo. Isithako esinokukunceda yi-ayikhoni yokuncamathelisa ekule ndawo uhleli ubhala kuyo imiyalezo. Ifana ncam nesaa sipeliti sokuqhuboshela amaphepha kunye. Yicofa, uze ukhethe uDocument kuluhlu oluvelayo, ube sowuyokhetha ngqo oyithumelayo kwiifayili zakho. Ncamathisela. Ihambile. Uphumelele.

Xa usebenzisa ikhompyutha yahlukana nokuba sisinxadaxada phakathi kwayo neselula. Yithi qharha u*WhatsApp Web* kwakwikhompyutha. Umfumana ngokuya ku*www.whatsappweb.com*, kwikhompyutha, uskene ikhowudi eyiQR ngefowuni. Sowuphakathi ku*WhatsApp* omaziyo. Uyababona nabantu onxibelelana nabo.

U*WhatsApp* ukwazi nokukugcinisela imiyalezo yakho ku*Google Cloud* uyifumane kwakhona nokuba ibikade ilahlekile ifowuni okanye uthenge entsha. Isithako u*Chat backup* siluncedo kuwe. Siyigcinisa lula ngokuya ku*Settings* ucofe u*Chats* uye ku*Chat Backup*, ukhethe ubude bexesha othanda igcinwe ngalo imiyalezo.

Nanjengamntu oxakekileyo, kububuchule ukubahlalisa ekuqaleni kwimiyalezo abantu oxhaphake ukunxibelelana nabo bafikeleleke lula kuwe. Sisithako u*Pin Chat* esinokukugcinela ekuqaleni abantu abathathu ubuncinane. Kulula, cofa u*Chat* ukhethe u*Pin Chat* ube ugqibile. Yenza ubomi bubelula. Qala namhlanje ukuziqhelanisa. Ubenohambo olumnandi luka*WhatsApp* uhlaziyekile.

[Sithathwe kupp<https://.media/lifehack/hidden-whats-app-tricks-you-need-to-know>]

AMANQAKU ECANDELO B: 10



ICANDELO C: IZAKHI NEMIQAGO YOKUSETYENZISWA KOLWIMI

UMBUZO 3: ISIBHENGEZO NTENGISO

Funda esi sibhengezo ntengiso (ISICATSHULWA D) singezantsi uze uphendule imibuzo esekwe kuso.

ISICATSHULWA D

KWANGCIB'UTHENGE

Kuyo nayiphi ingxaki okuyo,

Thina sipheth'isisombululo...



Siyangciba, Siyapetsha
Sifaka ne-oksijini.
Sikuthengisele nelitsha
Thandabuza usiza
sokulungiselela.
Sifumane kwikona
yezitalato iZiphu
neTayi.

Asibizi mntu, asigxothi mntu, konke kungetayala lakho.

[Icatshulwe ku, ngibuthenge@zip7tayi.com saze sahlelwa]

- 3.1 Nika isimelabizo endaweni yegama, 'nayiphi' ngokomxholo wale ntengiso. (1)
- 3.2 Caphula isilogani kule ntengiso. (1)
- 3.3 Chaza isimntwiso esiqulethwe yile ntengiso. (2)
- 3.4 Nika isixhobo esinokwenza abathengi bacinge ukuba inkonzo inceda izigulo zamavili. (1)

- 3.5 Tyhila indlela umfanekiso wale ntengiso onokutyhafisa ngayo abantu besini esithile bangakuthatheli ngqalelo okuthengiswayo. (2)
- 3.6 Khetha impendulo echanekileyo ngezantsi.
Isivakalisi esingamkhethisiyo umthengi ukuba uyayifuna na le mveliso.
- A Thina sipheth' isisombululo.
 - B Asibizi mntu asigxothi mntu.
 - C Thandabuza usiza sokulungiselela.
 - D Sikuthengisele nelitsha.
- (1)
- 3.7 Ucinga ukuba inyanisile intengiso xa isithi, 'nayiphi na ingxaki' iyasonjululwa kule ndawo? Xhasa impendulo yakho. (2)
- [10]

UMBUZO 4: IKHATHUNI

Funda le khathuni (ISICATSHULWA E) ingezantsi uze uphendule imibuzo esekwe kuyo.

ISICATSHULWA E



[Icatshulwe ku www.jerryscott.com saze sahlelwa]

- 4.1 Chonga kwisakhelo soku-1, igama elinika intsingiselo yokuba kudala uSara emvusa uZama. (1)

- 4.2 Nika isizathu sokuligqamisa ngoonobumba abakhulu igama 'VUKA' kwisakhelo soku-1. (1)
- 4.3 Chaza intshukumo kaSara ehambelana namazwi akhe akwisakhelo sesi-2. (1)
- 4.4 Xela imizamo kaSara noBobo engqina ukuba bamxabisile uZama. (2)
- 4.5 Chaza ukuba ikhathuni ilwenze njani ubaxo kwisakhelo se-5. (2)
- 4.6 Inika ngcinga ni impendulo kaZama engu'K' ngobudala bakhe kwisakhelo se-5? (1)
- 4.7 Ngqina okanye uchase ngesizathu ukuba ufanele ukubona impoxo uZama kwisebiso elithi, 'Kungcono siye naye eKholejini' kwisakhelo se-6. (2)
- [10]**

UMBUZO 5: IPROZI

Funda esi sicutshulwa (ISICATSHULWA F) singezantsi uze uphendule imibuzo esekwe kuso.

ISICATSHULWA F

HAMBA ZOOM!

- 1 Minazana ithile ndafumana umyalezo owandonwabisa akwehla nobuthongo. Umyalezo wawundibizela kudliwanondlebe lwesithuba somsebenzi kuZoom. Ndiqonde ukuba ikude le ndawo nanjengoko ndiqala ukuyiva, mandizilungiselele ngokucela kudadewethu imali yokukhwela. Nanko udade ecela ukuzibonela umyalezo. Ndibone ngaye sele egigitheka, wathi, 'Yhini! mntakatata, kanti awukayazi nelinki le?' Kaloku le nto ibhalwe luhlaza okwesibhakabhaka inamagama antsakantsaka yilinki, sisitshixo sokuvula umnyango wentlanganisano kaZoom. Ucofa nje apha, uthi gangqa entlanganisweni, nguZoom ke lowo. 5
- 2 Ndaqala ke ngoku ndathi bexe ubuso ndinyephile, kanti ndigagaza nje uZoom ndimphethe ngesandla. Mamela ke intombi kaNomagaxa, yalala yalibala. Nantso iphosa ixesha lokuvuka. Khwaphuphu, sekusele imizuzu elishumi luqale udliwanondlebe. Wangenelela phofu udade ngokube ecofa ilinki engena. Gqi! intombi kaNomagaxa, iwiki ithe gangxa ngathi uthwele imophu, ezityabeke udaka ebusweni, umlomo ubomvana, amaso eyokozela phezu kwalo bhlawuzi imhlophe, wacubhuka udade. 10 15
- 3 Ndizibone sele ndidedwa ndibuliswa ngumntu olapha kwikhompyutha, ndaziphendulela. Basabuncoma nanamhlanje abaphathi ubuhle bam bala mini yodliwanondlebe. Hamba Zoom!

[Sithathwe kuVimba wabevi]

- 5.1 Chonga kumgca wokuqala amagama abemaBINI atyhila ukuba izehlo zezexesha eladlulayo. (2)

- 5.2 Bhala imo emfutshane yegama elikrwelelwe umgca ngaphantsi. (1)
- 5.3 Bhala esi sivakalisi silandelayo sibekwingxelo-ntetho.
 Ndibone ngaye sele egigitheka, wathi: 'Yhini mntakatata, kanti awukayazi nelinki le?' (2)
- 5.4 Caphula igama elisisakhi sesifaniso kwisivakalisi esingezantsi.
 Gqi uNomagaxa, wacubhuka udade, iwiki ithe gangxa ngathi uthwele imophu ... (1)
- 5.5 Nika intsingiselo eziswa sisimamva u-ana kwigama 'ubomvana' kwisivakalisi esingezantsi.
 ... ezityabeke udaka ebusweni, umlomo **ubomvana**, amaso eyokozela phezu kwalo bhlawuzi imhlophe. (1)
- 5.6 Bhala ngokuchanekileyo isikhombisi esikwisivakalisi esilandelayo:
 ... amaso eyokozela phezu kwalo bhlawuzi imhlophe. (1)
- 5.7 Caphula kwisivakalisi esilandelayo igama elinika intsingiselo yokuba abaphathi basabukhumbula ubuhle bukaNomagaxa.
 Basabuncoma nanamhlanje abaphathi bam ubuhle bala mini yodliwanondlebe. (1)
- 5.8 YINYANI/BUBUXOKI ukuba igama 'ndaziphendulela' ngokwalo mxholo lithetha ukuguqula ibhlawuzi umphakathi ubengaphandle? Xhasa impendulo yakho. (1)

[10]

AMANQAKU ECANDELO C: 30
 AMANQAKU EWONKE: 70



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LWASEKHAYA (HL)

IPHEPHA LOKUQALA (P1)

ISIKHOKELO SOKUMAKISHA

NOVEMBA 2023

AMANQAKU: 70



Esi sikhokelo sokumakisha sinamaphepha ali-9.

QAPHELA

- Esi sikhokelo sokumakisha senzelve ukuba sibe sisikhokelo kubamakishi.
- Asenzelwanga ukuba sibe ngummiselo ogqibeleleyo.
- Iimpendulo zabafundi mazithathelwe ingqalelo ngokokuchaneka kwazo.
- Iimpendulo mazihlolwe ngokupheleleyo namanqaku anikezelwe apho kufuneka anikezelwe khona ngokwezigqibo ezithatyathwe kwintlanganiso yokubeka umakisho emgangathweni.
- Isikhokelo sokumakisha siya kuxoxwa phambi kokuba kuqalwe ukumakisha.

IMIYALELO KUBAMAKISHI

Umakisho lwesicatshulwa sokuqonda:

- Ngenxa yokuba kugxininiswa ekufundeni ngokuqonda, akufanelekanga ukuba upelo olugwenxa neemposiso zolwimi kwiimpendulo zezivakalisi zinyityelwe amanqaku ngaphandle kokuba ezo ziphene zitshintsha intsingiselo yempendulo elindelekileyo. Iimposiso ezikhoyo maziqatshelwe ngokukrwelelwa.
- Kubaviwa abasebenzisa amagama athatyathwe kolunye ulwimi ngobunjalo bawo, olungesiso isiXhosa, musa ukuwathathela ingqalelo lawo magama anjalo, kananjalo banganyityelwa manqaku xa ngaba iimpendulo ezinikiweyo zinembadla. Ngokunjalo ukuba igama elisuka kolunye ulwimi lusetyenziwe kwitekisi kwaye impendulo ifuna elo gama, oko kwamkelekile.
- **Kwimpendulo apho ziliqela iimpendulo ezichanekileyo** akunikwa manqaku ngeempendulo ezingu-EWE/HAYI, NDIYAVUMA/ANDIVUMELANI kuphela. Anikwa kuphela ngesizathu/ukuxhasa/nokuzakuzelela impendulo.
- AKUNIKWA manqaku ngeempendulo ezingu-YINYANI/BUBUXOKI, okanye YINYANI/LULUVO kuphela. Anikwa kuphela ngesizathu/ukuxhasa/nokuzakuzelela impendulo.
- Apho kulindeleke iimpendulo ezigama linye aze umviwa anike isivakalisi, nika amanqaku **ukuba ngaba** igama elifanelekileyo likrwelelwe umgca ngaphantsi okanye ligqanyisiwe.
- Kwimibuzo apho kulindeleke iimpendulo ezimbini/ezintathu, aze umviwa adwelise uluhlu lweempendulo, makisha **kuphela** ezimbini/ezintathu zokuqala.
- Ilwimi zengingqi neziyelelani zesiXhosa zamkelekile.
- Kwimibuzo ekulindeleke ukuba umviwa akhethe impendulo echanekileyo, makwamkelwe zombini, ukutsho oko unobumba ohambelana nempendulo echanekileyo KUNYE/OKANYE nempendulo echanekileyo ebhalwe ngokuzeleyo.

ICANDELO A: ISICATSHULWA

UMBUZO 1: UKUFUNDELA INTSINGISELO NOKUQONDA

- 1.1 linzima✓/ iintlungu✓/iintshutshiso✓ / iingxaki. ✓
[Nasiphi isibini kwezi.] (2)
- 1.2 Imfazwe✓/ usedabini✓ sisixhobo sokuvika✓/amanxeba.✓
[Nasiphi isibini kwezi.] (2)
- 1.3 'wonke umntu'✓/ wonke umntu ehleli nje unalo ithemba.✓ (1)
- 1.4 BUBUXOKI kuba ithemba alinamida ngokwalo mhlathi.✓/ BUBUXOKI kuba wonke umntu ehleli nje unalo ithemba nongenalo uyalifuna.✓/ BUBUXOKI kuba alinazityebi nakuhlupheka.✓/ BUBUXOKI kuba alikhethanga bala lamntu alinamida.✓/ BUBUXOKI kuba kuthiwa wonke umntu ehleli nje unalo ithemba ongenalo uyalifuna.✓ (1)
- 1.5 Ithemba ngokukaDesmond Tutu kukubanako ukubona ulozilozi wokukhanya ngoku ukwisithokothoko sobumnyama.✓✓ (2)
- 1.6 Umhlathi we-3 uthi kufuneka ubenento oyenzayo ukuze libekho ithemba.✓✓
(Umviwa makakorekishwe nokuba akatshongo ukuba 'umhlathi we-3' esuke wabhala impendulo yodwa.) (2)
- 1.7 Eyokuba kuyimfuneko ukuba ithemba liphile ukuze kuthiwe likhona✓/ eyokuba ithemba alikho xa lingaphili.✓/ Eyokuba uye ube nethemba xa likhona ngaphakathi kuwe✓/ Eyokuba liphila xa ngaba ulivuselela.✓/ Eyokuba alisuki libekho kufuneka kubekho into oyenzayo kuqala.✓
[Nayiphi kwezi.] (1)
- 1.8 B. /B. libubume bengqondo/bubume bengqondo.✓ (1)
- 1.9 Liplanga elinqumlezileyo lokuweza umntu kwiingxaki zobomi njengokuba isenza ibhulorho.✓✓ (2)
- 1.10 Yeyokuba ithemba liyamweza umntu kwiingxaki anazo.✓✓/ Yeyokuba linika amandla okuphumelelisa.✓✓/ Yeyokuba onethemba uyakwazi ukumelana neengxaki zobomi.✓✓ (2)
- 1.11 Eyokuba ithemba liluncedo kwaye liyamsindisa umntu.✓✓ (2)
- 1.12 'Lumka, ukuba ukhe waxhentsisa imiqobo nemingeni yobomi engqondweni yakho, ithemba uligqiba, liphele nya!✓ (1)
- 1.13 Ndiyachasa lo mhlathi uthi alibulali ithemba.✓✓/ Ndiyachasa lo mhlathi uthi ithemba alibulali koko liyadanisa.✓✓ (2)

- 1.14 Kukutsala kumava engcali ngenjongo yokomeleza abafundayo/ngenjongo yokuba babone kuluncedo ukubanethemba.✓/ Ukusibonisa umzekelo womntu ophiliswe lithemba ukuze nathi singalilahli.✓/ Kukunika ithemba kubantu abangenathemba.✓/ Ifuthe lokuvuselela/ lokomeleza/ lokukhuthaza abaphelelwe lithemba.✓/ Ngenjongo yokubonisa ukuba ithemba alinaxesha liqingqiweyo.✓/ Kukuba ikholeleke ukuba inakho ukwenzeka njengoko yenzeka nakuVictor.✓/ Siyakhuthazeka ukuba sinakho ukuphumelela kwimingeni esijongene nayo.✓
[Nayiphi kwezi] (1)
- 1.15 Amanzi akhangeleka enzulu✓/ emdaka✓/ihlathi awelela kulo✓/ukuchankcatha kula mthantatho✓/ amanzi amaninzi✓/ umthantatho ongaqinanga✓/ ukutyibilika awe✓/ ukutyiwa zizilwanyana zamanzi✓/ amatye anokubetheka kuwo✓/ ukutshona emanzini✓/ ukutyibilika uwe ematyi✓/ /izilo✓/ iinyoka emanzini✓/ ibhulorho engomelelanga.✓
[Nasiphi isibini kwezi.] (2)
- 1.16 Sukujonga emanzini, jonga le ndawo uya kuyo.✓✓ /Bambelela kulo mthantatho ukuze ungawi.✓✓/ Lo mthantatho uneendawo zokubambelela ezikuthundeza zikwenze womelele, uwuthembe ukuba awuzukukuwisa.✓✓/ Nyathela ngobuchule ukuze ungatyibiliki kulaa mthantatho.✓✓ (2)
- 1.17 Uye phambili ngoku ubonayo ukuba kungakho ubungozi, nemiqobo evale indlela✓✓/uyangena kwitonela ngoku ezibona ukuba akazazi ukuba uza kwenza njani, uza kwenza ntoni nini, engazi nokuba kuza kwenzeka njani ukuze aphumele ngaphaya.✓✓
[Nayiphi kwezi] (2)
- 1.18 Zingabancedisa kuba zozibini izicatshulwa zimnika amandla olilahlileyo ithemba ukuba alibuyisele alivuselele.✓✓/ kuba ukho umhlathi othi ithemba liyavuselelwa ngokulihlokoza kanti umfanekiso uyamncedisa ngokumnika icebo lokuhamba nokuba akanathemba.✓✓

OKANYE

- Azinakubancedisa abanye abantu kuba nangona umfanekiso unika umthantatho, esiyiprozi sithi ithemba lixhomekeke kumninilo ngoko ke xa umphefumlo wona sele ufile awubuyi.✓✓
[Nayiphi impendulo echanekileyo.] (2)

AMANQAKU ECANDELO A: 30

ICANDELO B: USHWANKATHELO

UMBUZO 2: UKUSHWANKATHELA NGAWAKHO AMAZWI

Sebenzisa ezi ngongoma zingundoqo zilandelayo ekufuneka zibandakanywe ngabaviwa kwisishwankathelo **njengesikhokelo**.

Ukumakisha isishwankathelo kusekwe ekugqaliseni iingongoma ezingundoqo.

Isishwankathelo masimakishwe ngolu hlobo:

Naziphi iingongoma ezichanekileyo ezisi-7 ezibhalwe ngokomhlathi mazimakishwe. (Izivakalisi mazinamathelane.)

UCAPHULO		IINGONGOMA	
1.	... izithako zokufomatha ezinokugqamisa umyalezo wakho ubukeke.	1.	Umyalezo owuthumelayo ungawugqamisa ngezithako zokufomatha eziwenza ubukeke.
2.	'Konengxaki yokungabinaxesha lokujonga imiyalezo ebalulekileyo ku <i>WhatsApp</i> , uphawu olusisithako sokufomatha u' <i>Mark as Unread</i> ' lusisisombululo.'	2.	Isithako esingu' <i>Mark as Unread</i> ' siyanceda ukuphawula umyalezo ofuna ukukhumbula ukuwufunda ngelinye ixesha.
3.	Isithako esiluphawu lokuthulisa ingxolo olubhalwe, ' <i>Mute notifications</i> ' lungayenza ingangxoli xa ingena.'	3.	Ungakuthulisa ukufundekela kwemiyalezo engenayo yeqela ngesithako u' <i>Mute notifications</i> .'
4.	... uthumele iifayile ezinkulu ngo <i>WhatsApp</i> ungena-imeyile. ... Isithako esinokukunceda yi-ayikhoni yokuncamathelisa ekule ndawo uhleli ubhala kuyo imiyalezo.	4.	Iifayile ezinkulu zithumele ngesithako sokuncamathelisa / sokuqhoboshela esikhangeleka okwesipeleti sokudibanisa amaphepha.
5.	'Xa usebenzisa ikhompyutha hlukana nokuba sisinxadaxada phakathi kwayo neselula. Yithi qharha u' <i>WhatsApp Web</i> ' kwakwikhompyutha.	5.	U' <i>WhatsApp Web</i> ' sisithako onokusisebenzisa ngexesha uxakeke kwikhompyutha utsho ufumane imiyalezo ungayanga kwiselula.
6.	'U <i>WhatsApp</i> uyakwazi ukukugcinisela imiyalezo yakho ku <i>Google Cloud</i> uyifumane kwakhona nokuba ibikade ilahlekile ifowuni okanye uthenge entsha. Isithako u' <i>chat backup</i> ' iincoko' siyigcinisa lula.	6.	Isithako esingu' <i>Chat backup</i> ' singakunceda ukugcinisa imiyalezo ku <i>Google Cloud</i> uyifumane nokuba ilahlekile ifowuni.
7.	'Nanjengamntu oxakekileyo, kububuchule ukubahlalisa ekuqaleni kwimiyalezo abantu oxhaphake ukunxibelelana nabo bafikeleleke lula kuwe. Sisithako u' <i>Pin chat</i> ...'	7.	Esingu' <i>Pin Chat</i> ' singakubekela ekuqaleni abantu abathathu onxibelelana nabo rhoqo.

[70 amagama]

UMHLATHI

U*Whatsapp* unezithako zokuwuqaqambisa umyalezo owuthumela kubantu bakho ezinjengongqindilili, nokukekela ngenkwenkwezi phambi nasemva komyalezo. Isithako esingu'*Mark as Unread*' sikunceda ngokukukhumbuza ngomyalezo obungene ungekabinalo ithuba lokuwufunda. Thulisa ukufundekela kwemyalezo engenayo yeqela ngesithako u'Thulisa imiyalezo'. Ifayile ezinkulu zithumele ngesithako sokuncamathelisa esinjengesipeleti sokudibanisa amaphepha. Ngexesha uxakeke kwikhompyutha fumana imiyalezo ngo'*WhatsApp Web*' ungayanga kwiselula. Gcina imiyalezo ku*Google Cloud* ngesithako esingu'*Chat backup* kangangexesha olifunayo. Isithako u'*Pin chat*' singakubekela ekuqaleni abantu abathathu onxibelelana rhoqo nabo ukuze bafikeleleke lula.

[70 amagama]

Ukumakisha isishwankathelo:

Ukumakisha isishwankathelo kusekwe ekugqaleni kuphela iingongoma ezingundoqo. **(Mayithathwe ingongoma enesithako esingaqondwayo esiku*WhatsApp* kodwa siluncedo. Akubalulekanga ukucaciswa koncedo.)**

Isishwankathelo masimakishwe ngolu hlobo:

- **Ulwabiwo lwamanqaku**
 - Amanqaku asi-7 ngeengongoma ezisi-7 (inqaku ngengongoma nganye).
 - Amanqaku ama-3 olwimi.
 - Amanqaku ewonke: 10.
- **Ulwabiwo lwamanqaku olwimi xa abalingwa besebenzise amazwi abo:**
 - 1–3 amanqaku achanekileyo: Nika inqaku eli-1 lolwimi.
 - 4–5 amanqaku achanekileyo: Nika amanqaku ama-2 olwimi.
 - 6–7 amanqaku achanekileyo: Nika amanqaku ama-3 olwimi.
- **Ulwabiwo lwamanqaku olwimi xa abaviwa becaphule ngqo.**
 - 6–7 iingongoma ezicatshulwe ngqo: akunikezelwa manqaku olwimi.
 - 4–5 iingongoma ezicatshulwe ngqo: nikezela inqaku libe-1 lolwimi.
 - 2–3 iingongoma ezicatshulwe ngqo: nikezela amanqaku abe ma-2 olwimi.

QAPHELA:

- **Ubalo-magama**
 - Abakorekishi kulindeleke ukuba baliqinisekise inani lamagama asetyenzisiweyo.
 - Musa ukuthabatha amanqaku ukuba umviwa akalibonakalisanga inani lamagama asetyenzisiweyo okanye ukuba inani lamagama libonakaliswe ngokungachanekanga.
 - Ukuba udlule kwinani eliqingqiweyo, funda ukuya kuma ekupheleni kwesivakalisi eliphele kuso inani eliqingqiweyo ungawahoyi alandelayo.

AMANQAKU ECANDELO B: 10

ICANDELO C: IZAKHI NEMIGAQO YOKUSETYENZISWA KOLWIMI

Ukumakisha iCANDELO C

Umakisho lweCANDELO C:

- Upelo
 - Iimpendulo ezinegama elinye mazimakishwe nokuba upelo lugwenxa, ngaphandle kokuba isiphene sitshintsha intsingiselo yegama.
 - Kwiimpendulo ezizivakalisi ezipheleleyo upelo olugwenxa malunyityelwe amanqaku ukuba impazamo ikwimigaqo yolwimi oluhlolwayo.
 - Xa kuhlolwa izifinyezi impendulo mayibonakalise ukusetyenziswa kweziphumlisi ngokuchanekileyo.
- Ulwakhiwo kwizivakalisi malubhalwe ngemigaqo yegrama echanekileyo nangezivakalisi ezipheleleyo/ngokomyalelo.
- Kwimibuzo ekulindeleke ukuba umviwa akhethe impendulo echanekileyo, unobumba ohambelana nempendulo echanekileyo KUNYE/OKANYE nempendulo echanekileyo ebhalwe ngokupheleleyo, iyamkeleka.

UMBUZO 3: ISIBHENGECO NTENGISO

- 3.1 yonke√/zonke.√ (1)
- 3.2 Asibizi mntu, asigxothi mntu, konke kungetayala lakho.√/ Kuyo nayiphi ingxaki okuyo,√ /Thina sipheth'isisombululo... √ (1)
- 3.3 Itayala elinxityiswe ibhatyi yomntu limele umntu olungisayo.√√/ Itayala elinxibe istethoskowuphu limele umntu olungisayo.√√/ Isandla ngathi sifakwe epokothweni. √√ [Nayiphi kwezi] (2)
- 3.4 'Sistethoskowuphu'√/ isixhobo/into yokuxilonga esetyenziswa ngugqirha√/ isixhobo/into yokuva ingulo yomntu√/ uphayiphi ophathwa ngugqirha xa exilonga√/ into yokuxilonga intliziyo√/ isixhobo sikagqirha√/ isixhobo sokuhlola ukuphefumla√/ sokuxilonga√/ into yokuva ukubetha kwentliziyo esetyenziswa ngoogqirha.√ [Nayiphi kwezi] (1)
- 3.5 Ungabatyhafisa abasetyhini badikwe kuba kwenziwa ngathi ngumsebenzi wootata kuphela lo.√√/ Umfanekiso unokubatyhafisa abasetyhini ngokuthi xa bebona lo mfanekiso bacinge ukuba kulungiswa amavili eemoto zabantu basebuhlanti kuphela.√√/ Ungabatyhafisa abasebuhlanti kuba bengakuthandi ukuhlolwa bacinge ukuba ukusetyenziswa kwevili liqhinga nje lokubadibanisa nogqirha.√√ (Impendulo mayibenesini nokuba sisiphi, asixhase.) [Nayiphi impendulo echanekileyo] (2)
- 3.6 C./C.Thandabuza usiza sokulungiselela/Thandabuza usiza sokulungiselela. √ (1)

3.7 Inyanisile. Umxholo wale ntengiso ngowamavili kuphela, nabani kufanele aqonde umntu ukuba kuqosheliswa iingxaki zamavili kuphela. √√/Intengiso ithi iyawalungisa, iwapetshe, iwathengise kuphela. √√

Ayinyanisanga. kaloku ayimelanga kucinga ukuba kubhekiswa kuzo zonke ekubeni indawo ilungisa amavili kuphela. √√/ Ayinyanisanga, kukutsala nje umdla wabathengi. √√

[Nayiphi na impendulo echanekileyo]

(2)
[10]

UMBUZO 4: IKHATHUNI

4.1 Kokwethoba√/VUKA.√
(Elichanekileyo liya kukrwelelwa ukuba angaphezu kwesinye.) (1)

4.2 Sesokubonisa ukuba uSara uyangxola√/ uyakhwaza√/ udikiwe√/ kudala emkhwaza√/ ukugxininisa ukuba kudala emvusa√ /uyamyalela√/ ukumnyanzela√/ ukuthethela phezulu.√ (1)

4.3 Kukududula uZama oxhathisayo ngamandla.√/ Ukumtshova√/ ukumtyhala√/ ukumtyhunduzana√/ ukumtyhiliza√/ ngokumtyhala ngenkani.√ (1)

4.4 Kukumvusa ukuba aye esikolweni.√/Kukumlungiselela ubomi bokuba akwazi ukuzimela xa sele bengekho.√/ Kukumhlamba.√/ Ukumnxibisa.√/ Ukumxukuxisa amazinyo.√/ Ukumpakishela.√/ Ukumfaka isiqholo somzimba.√/ Ukumfakela iincwadi kubhaka.√ (2)

4.5 Ngokunxityiswa kukaZama izihlangu ezikhulu.√√/Ngokuthi emde abe enxityiswa ngabazali abazotywe babafutshane kunaye.√√/ Izihlangu zikhulu.√√/ Ukunxityiswa kukaZama emdala.√√/ Ukupakanyelwa kukaZama xa enxityiswa. √√/ Ukuba mde ude ugobile.√√ (2)

4.6 Eyokuba ungumntu omtsha√/ eyokuba ngumntwana√/ubuncinci√/ akakakhuli ngokupheleleyo√/ ngumntwana weli xesha.√ (1)

4.7 Ufanele ukubona impoxo uZama kuba impoxo iba ngathi iyakukhotha kanti iyakuxathula kwaye le ntetho iqulethe ezo mpawu kuba awukho ezingqondweni umfanekiso wabazali abahleli esikolweni nomntwana wabo.√√

Okanye

Ufanele ukuqonda ukuba asiyompoxo xa ebazi abazali bakhe ukuba kudala bemthantamisa/ bemqhelise ukumncedisa okokoko.√√
(Nayiphi impendulo echanekileyo.)

(2)
[10]

UMBUZO 5: IPROZI

5.1 Ndafumana√/owandonwabisa√/akwehla√/minazana ithile.√√
[Nasiphi isibini sezehlo.] (2)

5.2 Kudad' ethu√/kudadethu√/kudade√/kunomdade√/dade√/dadethu.√ (1)

- 5.3 Ndibone ngaye sele egigitheka,/wandikhuza/wandibuza✓ ukungayazi ilinki.✓
Uthe ubone ngaye sele egigitheka ekhuza, embuza umntakayise✓ ukuba
akakayazi na ilink.✓/ Ubone ngaye egigitheka, wabuza othukile✓ ukuba
umntakayise kanti akayazi nelink leyo.✓ /Ubone ngaye segigitheka, ekhuza
umntakatatake embuza ✓ ukuba kanti akayazi nelink le. ✓
[Naluphi utshintsho oluchanekileyo] (2)
- 5.4 Ngathi.✓ (1)
- 5.5 Yokuphoxa✓ /yokunyemba✓/ yokujongela phantsi✓/ yokudelela✓/
yokungagqibeleli kombala✓/ yokubabomvu kancinci✓/ awubomvanga
kakhulu✓/ yenkangeleko yobuncinane ngokobungakanani.✓
(Makunikwe intsingiselo hayi isigaba sentetho esisisinciphiso.) (1)
- 5.6 Kwaloo.✓ (1)
- 5.7 Basabuncoma.✓ (1)
- 5.8 Bubuxoki, kuba umxholo wesicatshulwa uthetha ngokuphendula
ngokunokwakhe.✓ (1)
- [10]

AMANQAKU ECANDELO C: 30
AMANQAKU EWONKE: 70